




KANTONALNI ZAVOD ZA ZAŠTITU
KULTURNO-HISTORIJSKOG I PRIRODNOG NASLIJEĐA
SARAJEVO

INSTITUTE FOR THE PROTECTION OF CULTURAL-HISTORICAL
AND NATURAL HERITAGE OF CANTON SARAJEVO

KANTON SARAJEVO
JAVNA USTANOVA
KANTONALNI ZAVOD ZA ZAŠTITU
KULTURNO-HISTORIJSKOG I PRIRODNOG NASLIJEĐA
SARAJEVO

PRAVILNIK O VRSTAMA I KORIŠTENJU VLASTITIH JAVNIH PRIHODA

Izradio:		Usvojio – dao saglasnost		Verifikovao:		Broj protokola	Ovjera (MP)
Ime	Potpis	Organ	Datum	Organ – Predsjednik	Potpis		
Vedad Bezdrob Emir Ramić		Upravni odbor	13.10.2023.	Upravni odbor – Azra Koldžo		174-1/23	



Na osnovu člana 9. Pravilnika o vrstama vlastitih javnih prihoda u Federaciji Bosne i Hercegovine („Sl. novine Federacije BiH“, broj: 104/2022), članova 27. i 37. Zakona o ustanovama ("Službeni list R BiH", broj 6/92, 8/93 i 13/94), članova 33. 39. i 73. Pravila JU Kantonalni zavod za zaštitu kulturno-historijskog i prirodnog naslijeđa Sarajevo (broj: 197/13 od 21.3.2013. godine; UO-933-2/15 od 1.10.2015. godine, UO/2-221/17 od 16.3.2017. godine i 11560-5/21 od 27.12.2021. godine) i članova 4. i 26. Poslovnika o radu Upravnog odbora JU Kantonalni zavod za zaštitu kulturno-historijskog i prirodnog naslijeđa Sarajevo broj: 10736/21 od 19.08.2021. godine Upravni odbor JU Kantonalni zavod za zaštitu kulturno-historijskog i prirodnog naslijeđa Sarajevo, na 28. redovnoj sjednici održanoj 13.10.2023. godine d o n o s i:

PRAVILNIK O VRSTAMA I KORIŠTENJU VLASTITIH JAVNIH PRIHODA

I - OPŠTE ODREDBE

Član 1. (Predmet)

Ovim Pravilnikom uređuju se vrste, način i rokovi raspodjele vlastitih prihoda koje ostvaruje JU Kantonalni zavod za zaštitu kulturno-historijskog i prirodnog naslijeđa Sarajevo (u daljem tekstu Zavod), pravni osnov ostvarivanja, namjena i način trošenja vlastitih javnih prihoda.

Član 2. (Vlastiti prihodi)

Pod vlastitim prihodima Zavoda podrazumijevaju se prihodi koje Zavod ostvari obavljanjem osnovne djelatnosti i ostalih poslova na tržištu.

II - KRITERIJ ZA UTVRĐIVANJE I VRSTE VLASTITIH JAVNIH PRIHODA ZAVODA

Član 3. (Kriteriji)

Kriterij za utvrđivanje vlastitih javnih prihoda Zavoda, u skladu sa članom 4. Pravilnika o vrstama vlastitih javnih prihoda u Federaciji BiH, su da:

- a) prihod ne spada u kategoriju poreza, doprinosa, taksi, naknada i kazni;
- b) prihod nije kao javni prihod propisan posebnom odredbom u zakonu;
- c) prihod se ostvaruju obavljanjem aktivnosti na tržištu i u tržišnim uslovima, a koje aktivnosti mogu obavljati i drugi pravni subjekti na tržištu (ne postoji isključivost za obavljanje aktivnosti), s tim da je ta aktivnost izvan propisom utvrđene osnovne djelatnosti uređene propisima o osnivanju i utvrđivanju djelokruga rada Zavoda.



Član 4.

(Vlastiti javni prihodi od iznajmljivanja)

(1) Vlastiti javni prihodi Zavoda koji se ostvaruju po osnovu aktivnosti iznajmljivanja koji zadovoljava kriterije iz člana 3. ovog Pravilnika, a u skladu sa članom 5. Pravilnika o vrstama vlastitih javnih prihoda u Federaciji BiH, su:

R.br.	Vrsta prihoda	Naziv vlastitog javnog prihoda
1.	722641	Vlastiti prihodi od iznajmljivanja zemljišta
2.	722642	Vlastiti prihodi od iznajmljivanja poslovnih prostora

(2) Pravni osnov ostvarivanja vlastitih javnih prihoda iz stava (1) ovog člana su prihodi koje Zavod ostvaruje od iznajmljivanja zemljišta i poslovnih prostora na kojima prema zemljišno-knjižnim izvadcima ima pravo raspolaganja, te prema potpisanim ugovorima sa zakupoprimcima u skladu sa važećim propisima.

(3) Visinu prihoda koje Zavod ostvari iz stava (1) ovog člana odredit će komisija koju imenuje direktor u skladu sa odlukom o dodjeli u zakup poslovnih prostora opštine na kojoj se prostor nalazi.

(4) Izdaci koji se mogu finansirati iz vlastitih prihoda iz stava (1) ovog člana su tekući izdaci (plaće i naknade troškova zaposlenih – ekonomski kod 611000, izdaci za materijal, sitan inventar i usluge – ekonomski kod 613000) i kapitalni izdaci (kapitalni transferi – ekonomski kod 615000 i izdaci za nabavku stalnih sredstava – ekonomski kod 821000).

Član 5.

(Vlastiti javni prihodi od prodaje proizvoda, roba i usluga)

(1) Vlastiti javni prihod od prodaje proizvoda, roba i usluga koji zadovoljava kriterije iz člana 3. Pravilnika, a u skladu sa članom 6. Pravilnika o vrstama vlastitih javnih prihoda u Federaciji BiH, su:

R.br.	Vrsta prihoda	Naziv vlastitog javnog prihoda
1.	722651	Vlastiti javni prihodi od prodaje usluga, pristupa i korištenja (korištenje dokumentacione građe Zavoda)
2.	722652	Vlastiti javni prihodi od realizacije aktivnosti naučno-istraživačkog rada, izrade elaborata, studija, evaluacija, ekvivalencija, ekspertiza i drugih stručnih usluga (projekti, stručni nadzori, konsultantske usluge i sl.)

(2) Pravni osnov ostvarivanja vlastitih javnih prihoda iz stava (1) ovog člana su potpisani ugovori o saradnji i pružanju usluga, na osnovu aplikacija Zavoda na javne pozive, zahtjeva stranke tj. korisnika usluge.

(3) Visinu prihoda koje Zavod ostvari iz stava (1) ovog člana odredit će se prema procijenjenoj vrijednosti usluga, odnosno prema troškovima koje je Zavod imao za pružanje usluge.

(4) Izdaci koji se mogu finansirati iz vlastitih prihoda iz stava (1) ovog člana su tekući izdaci (plaće i naknade troškova zaposlenih – ekonomski kod 611000, izdaci za materijal, sitan inventar i usluge – ekonomski kod 613000)



i kapitalni izdaci (kapitalni transferi – ekonomski kod 615000 i izdaci za nabavku stalnih sredstava – ekonomski kod 821000).

III - PLAĆANJE, USLOVI, NAČIN I ROKOVI RASPODJELE VLASTITIH JAVNIH PRIHODA

Član 6.

(Planiranje i namjena vlastitih javnih prihoda)

- (1) Planiranje i raspolaganje vlastitim javnim prihodima, kao i nadzor nad istim vrši se u skladu sa Zakonom o budžetima Federacije Bosne i Hercegovine ("Službene novine Federacije BiH", broj 102/13, 9/14, 13/14, 8/15, 91/15, 102/15, 104/16, 5/18, 11/19, 99/19, 25/22), propisima koji uređuju Računovodstvene politike Zavoda, propisima koji uređuju način plaćanja i trošenja vlastitih javnih prihoda i ovim Pravilnikom.
- (2) Vlastiti javni prihodi Zavoda planiraju se kroz Plan budžeta Zavoda i izmjene i dopune budžeta Zavoda.
- (3) Na osnovu planiranih vlastitih javnih prihoda iz čl. 4. i 5. ovog Pravilnika, planirat će se i rashodi, odnosno tekući i kapitalni izdaci.
- (4) Vlastiti javni prihodi iz čl. 4. i 5. ovog Pravilnika, korišće se prioriteto za pokriće izdataka (rashoda) nastalih obavljanjem poslova iz kojih proizilaze ti prihodi, a ostatak će se raspoređivati na tekuće i kapitalne izdatke.

Član 7.

(Raspolaganje vlastitim javnim prihodima)

- (1) Zavod raspolaže sa ostvarenim vlastitim javnim prihodima u skladu sa Zakonom o izvršavanju budžeta Kantona Sarajevo i ovim Pravilnikom.
- (2) Zavod može koristiti vlastite javne prihode prema izvještaju Ministarstva finansija KS koji se Zavodu dostavlja do 15. u mjesecu za prethodni mjesec.
- (3) Vlastiti javni prihodi koji nisu planirani u Budžetu, a koji se ostvare u toku godine ili se ostvare u većem iznosu od plana u Budžetu, na prijedlog Zavoda unosit će se i raspoređivat odlukom Vlade i postaju sastavni dio Budžeta.

IV - NAČIN UPLATE, RASPODJELE I TROŠENJA VLASTITIH JAVNIH PRIHODA

Član 8.

(Uplata i trošenje vlastitih javnih prihoda)

- (1) Vlastiti javni prihodi Zavoda uplaćuju se na depozitni račun Budžeta Kantona Sarajevo.
- (2) Zavod je dužan, kod ispostavljanja fakture na ime izvršene usluge, korisniku usluga odnosno obvezniku uplate, dati uputstvo o načinu popunjavanja naloga za plaćanje.
- (3) Na nalogu za plaćanje obveznik uplate pored osnovnih podataka (naziv fizičkog ili pravnog lica, adresa, broj telefona, identifikacioni broj, vrijednost uplate, datum uplate, naziv primaoca, broj računa primaoca, svrha doznake, vrsta uplate, šifra općine, poziv na broj, potpis ili potpis i ovjera) obavezno unosi oznaku organizacionog koda Zavoda kao budžetskog korisnika „Budžetska organizacija: 22020008“ i oznaku ekonomskog koda uplate (Vrsta prihoda) prema čl. 4. i 5. ovog Pravilnika.



- (4) Popunjavanje se vrši prema obrascu naloga za plaćanje definisan Pravilnikom o načinu uplate javnih prihoda budžeta i vanbudžetskih fondova na teritoriji FBiH.
- (5) Zavod je odgovoran za potpuno i pravovremeno uplaćivanje vlastitih javnih prihoda na depozitni račun.
- (6) Zavod je dužan da redovno prati dospelost i naplatu vlastitih prihoda na osnovu izvještaja koje dobiva od Ministarstva Finansija Kantona Sarajevo o izvršenim uplatama.
- (7) Vlastiti javni prihodi Zavoda moraju se utrošiti do kraja budžetske godine, a neutrošeni dio vlastitih javnih prihoda postaje javni prihod Budžeta Kantona Sarajevo naredne godine.

Član 9.

(Raspoređivanje ostvarenih i naplaćenih vlastitih prihoda)

Zavod je dužan da ostvarene i naplaćene vlastite prihode rasporedi na rashode u skladu sa finansijskim planom i planom nabavki Zavoda putem finansijskih mjesečnih planova o izvršenju budžeta.

V - ZAVRŠNE ODREDBE

Član 10.

(Izmjene i dopune)


Izmjene i dopune ovog Pravilnika vrše se na način i po postupku predviđenog za njegovo donošenje.

Član 11.

(Stupanje na snagu)

- (1) Pravilnik stupa na snagu dobivanjem saglasnosti od strane Vlade Kantona Sarajevo, kojoj prethodi dobivanje pozitivnog mišljenja od strane Ministarstva finansija Kantona Sarajevo, a primjenjivat će se od 01.01.2024. godine.
- (2) Pravilnik će se objaviti na web stranici Zavoda, oglasnoj ploči Zavoda i u „Službenim novinama Kantona Sarajevo“.
- (3) Stupanjem na snagu ovog Pravilnika stavlja se van snage Pravilnik o korištenju vlastitih prihoda od 22.02.2017. godine.

Broj: 1174-1/23
Sarajevo, 13.10.2023.





Broj: 02-04-44125-45/23
Sarajevo, 19.10.2023. godine

Na osnovu člana 26. i 28. stav (2) Zakona o Vladi Kantona Sarajevo („Službene novine Kantona Sarajevo“, broj: 36/14 - Novi prečišćeni tekst i 37/14 - Ispravka) i člana 9. stav (2) Pravilnika o vrstama vlastitih javnih prihoda u Federaciji Bosne i Hercegovine („Službene novine FBiH“, broj: 104/22) Vlada Kantona Sarajevo, na 31. sjednici održanoj 19.10.2023. godine, donijela je

O D L U K U
O DAVANJU SAGLASNOSTI NA PRAVILNIK O VRSTAMA I KORIŠTENJU VLASTITIH
JAVNIH PRIHODA JAVNE USTANOVE KANTONALNI ZAVOD ZA ZAŠTITU
KULTURNO-HISTORIJSKOG I PRIRODNOG NASLIJEĐA SARAJEVO

I

Daje se saglasnost na Pravilnik o vrstama i korištenju vlastitih javnih prihoda Javne ustanove Kantonalni zavod za zaštitu kulturno-historijskog i prirodnog naslijeđa Sarajevo, broj: 1174-1/23 od 13.10.2023. godine.

II

Ova odluka stupa na snagu danom donošenja, a objavit će se u „Službenim novinama Kantona Sarajevo“.



Dostaviti:

1. Predsjedavajući Skupštine Kantona Sarajevo,
2. Zamjenici predsjedavajućeg Skupštine Kantona Sarajevo (3x),
3. Premijer Kantona Sarajevo,
4. Ministarstvo kulture i sporta Kantona Sarajevo,
5. Ministarstvo finansija Kantona Sarajevo,
6. Javna ustanova Kantonalni zavod za zaštitu kulturno-historijskog i prirodnog naslijeđa Sarajevo (putem Ministarstva kulture i sporta Kantona Sarajevo),
7. Za objavu u „Službenim novinama Kantona Sarajevo“,
8. Evidencija,
9. Arhiva.

